



C40
4514
(273)



遂喝一喝云霹靂一聲昏
舉火斲除塵垢尚落偏枯要得
碓菜笑殺老盧眼中無屑耐後有符

臣及膚脫落絕名模

衆靈骨入普同十方薄伽梵三界獨稱尊諸仁
得一路涅槃門涅槃門絕遮互八字打開兩手分付
無景對下合同船大家齊上無生路

悟塵起龕以杖擊龕云悟塵若悟此三昧生歿牢關
城不住絕拘畱便歸寶所無罣礙祇如腳
又作麼生道步步絕行蹤通身無向背



櫻寧禪師語錄序

佛氏出離生死誘人超劫大指與儒本同顧其作用
 既別流傳浸訛傍佛門戶僧非真僧猶假儒衣書士
 非真士也孝不喜譚佛法獨喜讀曹溪壇經喜其自
 爲佛而不障佛魔挽諸迷衆歸之吾道所以云救也
 故嘗謂韓昌黎之排佛盧曹溪之說法其道一也故
 謂曹溪儒者也其對仕流疑問直教以孝義修行迺
 真其志也若猶是遺棄倫物是則昌黎之所闢者耳
 故嘗謂護佛法莫昌黎若也櫻寧大師受法於曹洞
 宗源印繼以正法眼直指全提所有法錄并答三峯

曹洞十六問契理契機佛祖慈航聖學至教悉挾統
貫世間出世皆有証入之門上智下愚盡受平等之
法嗚呼盡矣邇來緇流習沿師承大壞楊子之鄰人
亡羊既率其黨又請楊子之豎追之楊子曰亡一羊
何追者之衆鄰人曰岐路之中又有岐焉人有濱河
而處者習於水勇於泅操舟鬻渡利供百口裹糧就
學者成徒而溺死者半本學泅不學溺利害判絕若
此嗟乎大道以多岐亡羊學者以多方喪生大方明
眼須深知師旨毋徒爲心都子所歎哉
賜進士第河南道御史於越學人劉明孝拜題

夫百尺之枝忽施纖蔓大圓之鑑瞥滓鄰塵苟不辭
而闢之俾葛藤斬盡浮翳全融深恐兆妄滋惑復增
一則未了公案亦後死者之責也狀非慧同鶯子語
若懸河智過於師正不許輕下註脚何似汝南華云
彼亦一是非此亦一是非與其譽堯而非桀焉不如
兩忘而化於道雖狀衛道則烏容不辯辯道之言不
厭其多非貴于多貴於徹也言徹則多言消歸少言
少言消歸無言矣三峯藏老無事尋事向吾湛祖
啓問十六自賣破綻祖答姑置以俟來看不答之答
業已雷震虛空日炎碧漢初不藉後代兒孫補綴孤

表淬磨歐冶峯迺詹詹間遂謂諸方無可激揚傳
諸後五百年沒眼禪和揣籥摸象以爲真有不易答
者豈不笑殺井蛙誤殺醯雞耶吾姪櫻寧和尚忍俊
不住析疑剖惑直窮到底無復剩義重開湛祖之口
可使吐舌覆面重提藏老之耳堪令三日耳聾或疑
抨駁先哲支離義諦非掃除文字與無諍三昧之旨
不知置之不答將啓答於無窮有此一答可掃後來
欲答之端倪併掃前輩垂問之影迹喻指固忠臣祖
禰非操戈藏老也不特喻指未嘗有答卽謂三峯未
嘗有問也可

弁山睦堂淨瑩題

叙

夫掩室摩竭杜口毗耶早已隔迹了也更不須添画
蛇足滿若於百尺之枝忽施纖蔓大圓之鑑瞥淨
鄰塵尚不辭而闢之俾葛藤斬盡浮翳全融深恐
北妄滋惑復增一則未了公案只後死者之責也然
非慧同鷲子語若懸河智過於師正不許輕下註
腳何以故南華云波亦一是非此亦一是非與其譽

竟而非禁焉不如兩忘而化於道雖然衛道則烏容
不辨之道之言不厭其多非貴于多賢於蔽也言
激則多言消歸少言少言消歸無言矣三峯藏老
無事尋事向吾 湛祖胎間十六自賣破綻祖答姑置
以俟來看不答之答業已雷震虛空日炎碧漢初
不藉後代兒孫補綴孤衷淬磨歐冶峰通簷之間
遂謂諸方無可激揚傳諸後五百年沒眼禪和揣

篤摸象以為真有不易答者豈不咲殺井蛙誤殺醯
雞耶吾姪喻指靜禪師忍俊不住析起剖惑直窟
到后無復剩義重開湛祖之口可使吐舌覆面重
提藏老之耳堪令三日耳聾或疑揮駁先哲支離
義諦非掃除文字與無諍三昧之旨不知置之不答
將啓答於無窮有此一答可掃後來欲答之端倪
併掃前輩坐問之景迹喻指固忠臣祖福非操戈

藏老也不特喻指未嘗有答即謂三峯未嘗有問
也可谷林無寶公此一谷可謂未嘗有問

弁山睦堂淨瑩題



越州山會大護法請師住叢山戒珠寺開堂公啓

縉紳啓

伏聞

道樹始於迦維藉金輪而啓物法音昉自須達託
金粟以應機真如陟雁泉之巔地因人重大聖居
鷲形之嶽法與時行故五洩湧曹洞之宗而雲門
啓新豐之旨矧此戒珠先朝古蹟越地名山

湛老人顯象王獨步高豎幡幢 瑞大師奮獅子全

威重新鐘鼓道場繼啓思振遺響於當年法座久
懸期標新旨於今日恭遇 櫻寧大和尚座下弁

山嫡系護國真傳機通五行合二空智婉文殊
數載頓開魔網玄同善逝一朝蚤悟真源懸智果
於毫端儼右軍之再出吐覺花於翰墨恍懷素之
復生唱道姑蘇業石點於崑璧掛瓢於越看鶯聽
於戒珠心樸等與旨未窺玄機莫究歷此劫運望
苦海之慈航憫彼衆生假暗途之寶炬爰是緇素
傾心咸思就日繇茲蒼黃奔趾切願順風肅卜良
辰敬敷檀席灑四天之花雨應知懸腹沾盈布千
里之香雲會見鸞頭光熾伏祈慈錫蚤飛玄輿屆
止當頭一棒爲大衆打破缺關言下一呼與人天

直叅寶籙俯勒蕪詞仰希 慈鑒

佛弟子羅心樸 邢大忠

鄭 冕 李安世

潘同春 唐九經

吳國輔 陶履卓

吳邦臣 魯 棗

童欽承 仝頓首拜

師本族縉紳公啓

伏以

地靈人傑機緣湊合於一時祖授孫承道法昭垂

乎千古頻伽妙響已知來自轂中獅子神威貴使
伸於窟外借人天之寶位導佛祖之弘慈恭唯
櫻寧大和尚座下玄珠久握智炬旁通印秉西天
之四七力闡真宗衣續東土之二三心扶末運暨
法幢於羅漢甘露已注他方護祖印於戒珠花雨
漸敷本土乘乎願力庶幾有志竟成虛此覺場或
者後來居上自非克家令子誰爲通事舍人爰諏
孟冬朔旦徧灑楊枝之水淨敷檀席之旃氣轉小
春承祥風而普煦生意序當陽月伏震雷而盡蕩
陰霾伏望憫斯緇素作我津梁大慰雲霓之望共

瞻天日之光劈開魔網拯末俗於牛車悟徹本來
報深恩於鷲嶺反聞聞性處處開小白之花自覺
覺他人人証菩提之果恭迎法駕特佈微忱謹啓

宗弟子台封

奠基

竟中

雲

宗明

錫和

明宗

明季

洵

明系全頓首拜

本山法侶啓

恭惟

大和尚燈傳曹洞法衍靈峰出千聖之心藥以當
救世揭群生之夢眼所在皈依茲敝寺雖云荒陋
以瑞老人宏道此山繼祖有在覬覦
和尚啓先老人一點清涼灑向越州八嶺直令
後學初機領承玄意俾法輪大轉而石筍生芽也
亮等三沐三薰誠異
和尚慈愍不擇細鈍降茲法座樹破暗明燈操中
流巨楫整塗毒鼓作天人目筆端有盡孺念無窮
敬托片言少見血衷臨草不勝仰企之至

本山弟子淨亮等殊成依成紹頓首百拜

櫻寧靜禪師語錄目錄

第一卷

葦山戒珠寺上堂

十篇

小叅

三篇

吳江喻指菴上堂

五篇

茶話

四篇

第二卷

黎川羅漢寺上堂

十三篇

第三卷

眠牛山結制小叅

七篇

示衆

十六篇

第四卷

拈古

二十四則

頌古

五十五首

機緣 十七則

第五卷

法語 二十二篇

佛事 八則

贊 十二首

和中峰國師樂隱詞 十六偈 十二首

碑記 一則

第六卷

續荅三峰曹洞十六問 并着頌

目錄 終

櫻寧靜禪師住叢山戒珠寺結制語錄卷第一

門人德亮 編

書記德峩 錄

順治庚寅歲師於蘇州府吳江縣羅漢寺受紹興府
山會護法縉紳羅夢章鄭望裕邢淇瞻李泰若徐岱
淵唐敏一吳期生吳崆峒陶岸生魯季東童在公劉
滄嘯劉永侯劉靜甫劉伯繩諸太居士同文學裘孫
劉諸檀越并法侶妙德聖意等請注戒珠寺九月二
十五日入院法語

山門巍然突露頓絕遮攔古今卓立迥別尋常龍象

蹴踏作麼商量喝一喝云入得此門須奉重不勞門外覓餘光

王右軍像師指像云灑灑麗於枯藤奔崖透石鼓雲雷於掌上驟雨旋風猶未是此翁妙用且道斯意如何昔年捨宅爲僧寺萬古輝煌作棟樑

韋馱殿我主正汝摧邪兩兩行來步不移今日相看擔荷此從教祖道徹玄微

大殿三千七百年已前此老不與麼三千七百年以後此老却與麼與麼不與麼放過一着且看新長老作何去就展坐具云源遠流長遂作禮

伽藍殿昔受靈山付囑從來毫不放人邪正分於當下那肯綽約疎親插香云今日煅凡煉聖仗君保護弘深

祖師室西天四七總是婆婆和和東土二三兩口何無一舌怎奈祖禰不了到處被伊殃及插香云觸斷兩頭微三更湧紅日

方丈正法眼藏一錘擊碎涅槃妙心是甚堪拵按住杖云拶透石人骨髓剔出金剛眼睛任汝三頭六臂到來無地容身

是日應林闍黎設供衆請上堂

師至座前憲副羅夢章捧疏師接得拈起云此是羅居士同諸檀護不忘靈山付囑要與當人徹頭徹尾既然文彩已彰何必重添眉目顧左右云事因叮囑起度疏維那宣畢師指座云人人可踏個個堪承更欲山僧扭捏作麼不是符到奉行看取一場熱亂陸座拈香云此一瓣香根盤大地法遍塵沙芬芳那畔已前結秀不萌枝上驀地拈來供養上三三四四始祖釋迦文佛普願無盡含識聞茲契悟永斷疑根此一瓣香天然尊貴不假功助奉祝上三四四九五之至尊伏願德以時化國以時寧此一瓣香經

天緯地左右司衡奉爲 本省府鎮道臺府邑各衙文武尊官願祈共輔皇綱庇恩萬姓此一瓣香宿承願力擁護法壇奉爲本山 護法大宰官羅王鄭邢吳陶魯劉等大居士共徹劫外風光永作皇畿柱石此一瓣香弁峰砍額戴嶺揚眉供養本山中開法運龍華瑞白師翁惟祈燈燈無盡道利人天復從懷中拈出香云此一瓣香不住正徧寧居玄要昔日紫霞納敗今朝叢嶺欵陳第二番拈出供養傳菩提達磨正宗第四十三世天台先師嘯雲老和尚用耐法乳之恩維那白椎云

法筵龍象衆當觀第一義師豎拂云越古超今分外
奇個中消息絕思惟當臺寶鏡無私蔽果自男兒不
自欺山僧出鼻門登越地船來陸來敲冰踏凍霜花
含夜月徹骨且風流越地吳山隨方任運所以道是
法住法位世間相常住與麼擔荷何必開眼受瞞諸
公聞如是舉唱便作平常是道麼且喜沒交涉應知
打麩還他州土麥唱歌須是帝鄉人殆今叅玄之士
不務本實惟以裝載禪道佛法爲事一見師家平實
爲人便生大我慢若稍立叅機如蠅聚湮較量將來
有甚底止豈不聞石頭大師云執事元是迷契理亦

非悟門門一切境回互不回互回而更相涉不爾依
位住諸昆仲此是我洞上法幢所由立也五位正偏
三種滲漏不出此也上士聞之識病識藥中下聞之
笑而不顧通身入水不知鼻酸須知死中應發活活
中應令死然後通身遍身羅籠不肯佳呼喚不回頭
叅學分中少許話會勿則門外支離沿途荆棘山僧
事不獲已蓋緣先師歿累當時今日不顧拖泥帶水
向人天衆前熟亂一番貴在全身領荷知重識輕于
中還有共扶玄化者麼顧左右良久擊拂云高山流
水齊爭調羸得白雲出岫忙問明暗雙機學人不易

如何是渠今正是我師云蠱毒之鄉水莫嘗如何是我今不是渠師云死貓頭子幾人換進云祇如洞山觀影與高峰墮枕相去幾何師便棒云驢唇馬嘴漢莫謗他好進云祇如和尚高陞此座法利人天祖父孫源一門超出秦望山還解點首否師云急急如律令又僧問雲門鼓笛弁嶽巴歌請師別出腔調師搖拂云若遇知音不勞賞鑑進云露柱子躡跳擊碎寶華王座和尚還許學人再參否師云東壁掛葫蘆僧作禮起遶身一匝而出師喝云好個猢猻圈叅頭結椎云諦觀法王法法王法如是

當晚小叅有一語全規矩擬思量帶伴侶新長老口如匾擔不解談玄說妙亦無規矩可全亦無伴侶可帶又云一生叅學事無成慙勤抱得旃檀樹此二句今人錯會其意更兼覺範老漢錯下註脚總之字經三寫烏焉成馬何似蘆花深處客夜深不坐釣漁磯諸公以入院之初更要叢山立新條令絕斷龍門宿客看來也是醉後添盃喜得堂中班簇簇地盡是飽叅耆宿念我法門同相贊化幸然之甚適纔出方丈時摸索得一句新鮮佛法欲將來供養大眾恰遇竹簾一墜半句都沒了搔首顧左右云還是如何不然

問取露柱子去傍有一僧纔出師推住云堂中有人
在僧擬對師一掌便歸方丈

結制日傳文字胡清之陳德生居士等設供請

上堂

師舉拂云造入蒼龍窟宅爲探玄珠截歸香象行踪
貴除金鎖須明掣電之機始可深經爐鞴若依說黃
道白處轉得身時依然布袋裡老鴉有力之士將大
千國土橫拈倒豎劈空擲得粉碎法我情忘了無纖
毫過患方越安隱幢踐無憂界知與麼事何必九旬
禁足活受羅籠勿則傾心將四大交付龍天把從前

伎倆去盡奮大意氣徹底掀翻不負叅學一生不空
師友策勵等閒線斷一切齊休又瀉山道有句無句
如藤倚樹樹倒藤枯句歸何處蓋千古爲衲僧徹骨
底句後大慧於此脫却貼肉汗衫若非圓悟舉幾錯
一生看他先德不盡不住今人豈忍因循放過叢山
不惜唇皮更爲一頌請按下雲頭定其銖兩有句無
句石虎當途踞如藤倚樹嚼碎金剛杵樹倒藤枯肘
後鐵輪孤句歸何處鞭起崑崙柱連卓拄杖云相隨
來也好不堪立地是甚尿溺氣叅頭問昔年弁嶽開
爐今日天台續燄還是人傑還是地靈師云我不識

彼進云子承父業家常事祖令孫行意若何師云須知萬代金輪子進禮云一曲無絲韻萬籟和聲齊師云未堪奉重吉先邢居士問百丈師翁於此開堂有云秦望山頭雲靄靄湖波底月團團今請和尚斬新條令師云照顧腦門進云不惟紫霞峰頂笑傲烟霞直令戴嶺堂中輝增佛日師云好事不如無進云如何是父子功齊一句師云古殿苔封後調羹知有人士作禮云莫道相逢不出手寒烟繡壁又添新師直視云高不成低不就

上堂

若論個事適纔被上首一槌擊碎了也致使山河鼓掌大地聞聲何假山僧口漉漉地以爲極則事正與麼地請你去好若停囚長智轉見不堪總之旋嵐倒嶽不出功助定國安邦猶存道合應知有異類中事始離滌漏拈拂畫^半相復作^①相云茸茸芳草外展足奮西河復振威一喝下座

上堂

杲日迥當陽森羅俱透徹法法目前機直下難存跡諸上座道無諂曲唯一真實外不放出內不放入冷地看來是甚屎撮有個關頭爲伊點出若領會得參

學事畢且道是那一關昨日三更時無孔鐵錘被蟻
螟蟲蛀得七穿八穴無孔鐵錘奮怒撞入觀史天宮
冲破了彌勒內院失却布袋子且道在甚麼處還覓
得也未豎拂云總在這裡復拍案云我嘗於此切空
生問彌勒彌勒哭蒼天布袋笑不歇有甚奇有甚奇
九九祇是八十一分付諸人不煩久立僧問白雲纔
出岫彈指鳳凰歸如何是卧龍風景師云山頭鼓白
浪進云山門與佛殿未立時和尚那裡度生師云北
斗裡橫身如何是戒珠的的意師云千年石吃萬年
松如何是方丈的的意師云入室不登堂登堂不入

室進云與麼則躍出一輪滿山河悉坦平師云也是
平地喫跌

馬谿如陳無礙二居士率衆設供請上堂

乘風千里全憑電影攀鞍足下通玄須識目前無法
飄空玉露橫施枯木生花寶閣珠簾直透冰壺水月
塵塵爾剎剎爾展獅子之全威隱隱時密密時挾異
類之獨步了知達道人不貴通玄路較之從門入者
不是家珍奈何土壙人稀相逢者少山僧倒握肘後
靈符安忍坐沉英傑昔我弁山師翁以一喝分五位
發明洞上真宗叢山繼茲祖室少爲續貂以一拂列

五位卽拈拂擊案云正與麼時驀然一擊此正中偏也一擊之後正眼難窺此偏中正也正當一擊迥出無句中有句超越玄路此正中來也拂擊齊呈功全祖父此兼中至也拂擊俱消生佛不有此兼中到也諸毘佉全提祖令則且置還知越格超方事麼復一拂云無毛鐵鷄搏空去談裡靈苗結子多應林閣黎問五位君臣卽不問如何是賓中主師云簷前雨滴聲飄室如何是主中賓師云正令全提建化門如何是賓中賓師云六街人簇簇遙指玉門孤如何是主中主師云垂衣含妙旨密步踢雙明進云賓主已蒙

師指示向上還有事也無師云天空海際低進云過在甚麼處師云到卽不點進云大似紅爐飛片雪師云點卽不到便躡身下座

信解禪人同魯居士設供請上堂

馬蹄殘跡鎖歸雪夜蘆花畫角聲孤吹出清霜玉露老船子拋鈎撒網末遇神龍任公子七牛作牯不逢蝦蟹須得與麼人堪承與麼事昔雲巖和尚示洞山老祖云价闍黎承當個事大須審細山因過水觀影徹見雲巖骨髓頓翻舊日所蘊以後建立家聲高提密印剪異見邪途破野狐窟宅千古之下相承者希

如寶鏡三昧云重離六爻偏正回互莫是爻分體用
卦配君臣麼若如是牛頭伏羲早爲割斷又何待祖
師西來洞山舉唱若不如是爭奈親承寶鏡公驗宛
然不見道錯然則吉不可犯忤當明中有暗非寶中
主當暗中有明非主中寶明暗不相乖非妙叶亦如
前後步非通途亦不是啐啄之機亦不是劫前之旨
叢山一齊按下洞山面目何處立地諸仁當向此處
分疎得下始越古人門閫縱奪自如勿則劔去久矣
方乃刻舟卓柱杖云咸陽宮闕圖神鼎一定河山有
沛公耶下座

直指和尚同吉先那居士請上堂

師陞座直指和尚白椎畢師云靈木豁鴻濛霜花越
樣紅夜深漁火燒焦桐冰稜結起響叮咚吹破巫山
十二峰躍出猩猩耳又聾猩猩無語過橋東撞着前
村王老翁老翁捫虱頗從容扶過斷橋流水中忽相
應一交跌殺岑大蟲正欲相救忽有木上座無端惡
發不容下手轟轟撞碎了太虛空直饒女媧氏煉石
補天作用抵得袖手傍觀冷地走出布袋和尚高聲
喝住云止止我有個布袋子爲虛空塞却向前一擲
豈期袋角頭裂出個獨角水牯牛口似血盆牙如劔

戟將大千國土靈苗異種嚼得淨盡無餘此時佛祖
 相聚攢眉蹙額無計可施山僧正在丈室齟齬熟睡
 却值同枝法兄直指和尚過訪邀遍叢山普救這着
 公案祇得特斷貫索拈起絕魂符出來判斷一回乃
 顧左一喝云天不缺東南顧右一喝云地不陷西北
 復正身一喝云杲日麗天依然海晏河清任汝鬼面
 神頭總被吾兄一槌擊碎正好解交更添個惡辣吉
 先公獨步梅山首尾俱絕閒閒自適悶時打三盞何
 處得愁來囊裏不住把個曹山顛酒傾出普同供養
 諸仁者且道嘗是不嘗是嘗則被他喪身失命不嘗

則辜負來機還決斷得麼如或未然叢山不免官路
 當人情去也嘗者是靈衣不掛語無路打鼓調絃和
 未齊太平曲奏官街卧不嘗是嚴陵薄視王侯志前
 村沽得一天醉高卧漫誇金紫賜祇如竭盡今時何
 處與主賓相見卓拄杖云雙枝傑出萬峰冷夜半行
 人過雪山吉先居士問閉門自適獨步超方針芥相
 投未審承誰恩力師云問取露柱進云恁麼則兩袖
 雲烟翻翠嶺一聯奎壁煥獅樓師云少加贊歎爾銘
 問萬象之中獨露身唯人自肯乃方親未審叢山堂
 中幾人點首師云從無此滯貨進云恁麼則衲子翻

身獅兒回踞去也師云木毬子不放你在進云秬如
台嶺往還事又作麼生師云桃源飛古岫白雪壓神
鷲士作禮云祖孫弘法父子同風師云同曲不同調

上堂

連朝風雨不歇知寺眉毛厮結天龍不善調停鉢盂
連聲叫屈直得禾山不能打鼓雪峰無力拋毬唯有
叢山越格烟封戶絕游優也不要諸人在長連床睜
肩努目也不要你向寒灰裡吐焰添籌唯要你和心
嘔却若道有放下倒掛三千劫若道無提起立地三
千劫不見香巖老漢示衆云如人上樹口含一枝花手

不攀枝足不踏枝有人問汝西來大意答他則喪身
失命不答則辜負來機諸公作麼抵對如或未善回
機且看叢山把斷香巖唇吻爲他點綴一上倚拄杖
云透網金鱗絕衆流魚龍蝦蟹不同倚香巖未舉應
先喪賊智徒教困玉樓卽擲下拄杖和身撲地云救
取個救取個維那在傍一喝師起身連掌云大好不
啣啣遂趨歸方丈

長至日兩序請小參

恰然好個寂靜大衆續却正命露柱子忽地產下個
白髮嬰兒俏波波舞向堂中拱聽致令庭前古栢墮

吐未發之機永夜寒灰噴出管中密定唯我衲僧家
總不隨時令一任小人道消君子道長撮將來擲向
火爐頭燒却不爲急性顧左右云于中不逐時令
者麼時有僧從傍一喝師云好一喝未有主在僧問
皮膚脫落盡唯有諸真實正當斯時請師選佛師云
我這裡不選佛進云恁麼辜負學人師云金屑雖貴
落眼成翳進云如是則人天海會沾恩去花雨繽紛
繚亂垂師指簾外云好大雪師復云若道不着時令
也是徐六擔板漢叢山有個漁父詞不妨應個時節
乃舞拂云拍手呵呵兩岸蘆花並雪過老漁翁側立

披箕要釣個錦鱗歸去那管你一線添多低聲問你
意如何只教你坐斷了古今一色再不可做逐塊寒
獐好大哥好大哥你是何人便與麼向伊道我本是
越州城裡劉慶老賺來此削掛袈裟善相扶跨洪波
撐得一隻無底船兒相送汝直教你掀翻海嶽趁礁
嶼吸盡了四海五湖便下座

師誕日兩序率衆請上堂

師豎拂云古今天地古今日月先天不生後天不滅
玄中又玄衆妙難測擬欲相呈口門甚窄所謂寶閣
垂簾那許密移一步瓊枝深鎖寧容借色明功若是

有力大人不避龍巢虎穴今日戴山本生父母忒不
着便脫下個癡骨董彼時未擅決斷以後闖入輪王
之室冒雨冲風遍叅個事拶得性發把鉢盂跌做破
沙盆袈裟扯似愁布袋被業風一陣吹向十字街頭
忽地來開個雜貨舖子篋中没半文要誇敵國富慣
賣死猫頭有時拈頭作尾有時喚尾作頭有時首尾
俱換有時首尾俱不換叢中或遇個傍不甘的一聲
喝住道這厮如是攤街賣弄大好屋裡販揚州卽時
扭下法座熟捶一頓非爲分外饒伊恁麼來總是隨
人脚跟便令那叱太子析骨還父析肉還母然後本

身現大神通而爲父母說法要且費盡周遮明眼人
前更增一笑不若戴山拈出一種沒絃琴令迦葉不
能起舞乾闥婆王失音可教聾者能聽啞者能聲把
本生父母提起也得推倒也得報無可報耐無可耐
復以拂向空連劃云裂碎乾三連續起坤六斷填却
離中虛隔斷坎中滿裂破孃生面皮切忌鳴聲熱煞
遂下座

臘八解制上堂

踞虎頭收虎尾第一句下明斯旨重樓緝字鎖不住
午夜寒風劔刃冰稜誰敢立一塵法界老蒼梧不棲

丹鳳明月窟寧舞青鸞憶我始祖當時平地絆倒祇
宜自討其便反至逾蔓葛藤牽連今日幸爾叢山海
衆不坐他家床榻口吞佛祖氣宇如王放一線道則
草鞋似虎拄杖如龍收一線道則水雲密布萬法潛
踪一任他搏風九萬里猶霑羽翹去以六月息尚塞
程塗不妨撒手便行那管船去陸去是則固是諸公
或過望海渡錢塘登保叔窳堵攢攢簇排闥不入
時忽鬧市裡迸出個跛足阿師把住道明頭來暗頭
來汝等又將何處分或有個漢云莫亂道誰云清早
起更有早行人一捺便走這裡猶不許汝在若撞着

叢山更不與麼待他問時但一掌云不許夜行投明
須到設遇普化覲面來要且退身有分卽如放行解
制一句作麼指陳卓拄杖云掣斷玄關金鎖去毘盧
寶印劈空開

癸巳年四月八日吳江黃溪鎮衆信特建喻指
庵迎師掩關進庵日請上堂

師陞座拈香祝聖畢瑞雲問昔日世尊出世普爲群
生今日和尚掩關指喻後學一個雲興吐霧一個把
住要津除此二途請師舉示師打云腦後見腮莫與
往來進一喝云泥牛一度雲中舞石女携笙海底吹

師云空劫已前如何拍調進云觸破千層浪沖開潭底天師云未經返躑在天與問豎指云這個是喻如何是指師云漫向脚跟下尋討士復豎指云這個是指如何是喻師云碧眼胡僧目射人士復豎指云這個不是喻不是指如何是喻指大意師云舌頭無骨進云和風灑幽石甘雨滴疎林師云好句不成曲問今日世尊現瑞喻指呈祥洞上玄宗請師的示師云審細將來進云官不容針私通車馬如何是正中偏師云鐵女透波心進云但有言說都無實義如何是偏中正師云眉毛碎古鏡進云一人有慶兆民樂業

如何是正中來師云露柱早懷胎進云王登寶殿野老謳歌如何是兼中至師云夜深挑蜀錦不犯始爲奇士良久進云如何是兼中到師云亞目總難窺進云還鄉盡是兒孫事祖父從來不出門如何是不出門的祖父師展兩手進云祖父旣不出門兒孫如何親近師云奉重方知師乃云慧日高懸豁千生之塵夢玄珠突露徹萬丈之洪波古今不易道出平常祖父田園阿誰無分所謂心同虛空界示等虛空法證得虛空時無是非法此着上祖釋迦降跡皇宮示現奇奇特變怪捏神末後拈花更添狼籍又撞出

金色頭陀一笑風前傾身酬價祖燈遠繼法遍河沙
無量法門消歸言外幸諸公信得真切故乃翻三千
年公案捨難捨之緣祇園給孤古今同調竹園精舍
點首功齊須知拈一莖草能爲建立卽可證大解脫
力大三昧力不退轉力無修證力山僧十載垂鈞沿
門撒網鷺遇幾個瞻風撥草漢劈胸一撞祇得將錯
就錯放下絲綸直教塵封戶外別立生涯去也以拂
打圓相云憨憨懶唱閒庭曲把斷玄關絕主賓還有
識得主中主麼請着眼看卽下座掩關

師自封關法語

把住要津不通凡聖今行摩竭千聖絕聞垂簾室內
不知祇要外緣奉重度封帖云高峰千古案立地話
重新遂封

丙申佛誕日喻指衆信迎師出關請上堂

師陸座學人問當年把斷關津象王隱跡今朝頓啓
金鎖獅子嚙呻把斷放行卽且置正當恁麼時一句
請師舉唱師云入室不通耗靚面墮莖眉進云野老
謳歌漁翁擲釣爲復威音那畔之神通爲復今事門
頭之妙用師云不犯清波時汝試道看進云今日觀
破和尚師便棒進云一句迴超千聖外萬靈何處謝

無私師又打進一喝師連打云猶是塔下漢士連喝
歸位師云大似敗將拖矛僧問豁開戶牖寶月流輝
逼塞虛空衆星拱北作麼生普蔭群生句師云有水
皆含月無山不帶雲進云塵塵刹刹玉轉珠回個裏
無私如何着眼師云君臣道合猶成昧寶主相逢尚
失宗進云一句絕遮攔千機齊烜赫師云看取脚下
學人問三年掩室摩竭令行適承和尚舉示玄關請
淨仙關中消息師云到來無你下口處進云恁麼則
但見花開落不知春去來師云不屬陰陽造化生作
麼生道士便喝師云羞也不識進云祇如不合伴的

人來關中主如何相見師云放汝三十棒進云和尚
也須照顧眉毛師云未識觸諱在師乃云獨照雙泐
過尾窗櫺猶墮格入屢垂手玄關直透尚迷津不若
隨分納些些免至畫蛇添足是以入毘耶之室白醜
口生行摩竭之風談玄無舌惟以坐看陰陽消長閒
聽花放鳥鳴任性不羈陸沉自適然素志如斯但事
急一向于日期圓聊伸欵案特借山河大地爲演無
量妙義還見無情說法麼豎拂云新篁解籜節奏桑
林之舞梅拖嫩綠渾忘鼎鼐之勲草木揮玄水雲共
唱得游刃有餘地頃消斧鑿之痕以此報檀度之恩

撰述
撰書
無恩不報酬佛祖之德無德不酬慶快千生法流萬古雖與麼道狀未透者亦不得等閒放過錯却勝因豈不聞裴休丞相云鬼神沉幽愁之苦鳥獸懷狝猶之悲修羅方嗔天人正樂可以整心慮證菩提唯人道能爲耳人道不爲吾末如之何也已矣諸菩薩箇箇頂天立地猛烈丈夫何得被八風五欲活埋萬劫千生改頭換面時何有今日果肯將智慧劍一刀斬斷生死魔軍五陰怨賊坐致太平寧不深幸哉祇如應節酌恩作麼生道卓拄杖云碧玉盤中烹石筍驪珠腹內產雲芝爛煮虛空千日醉佛祖無門覷得渠

下座

黎川菴主印源叅常等設供請上堂

師陞座僧問一花現瑞多子承恩一句周隆十方慶讚未審和尚如何通信師云持書不到家進云學人頂戴有分師云脚跟下放汝三十棒僧以手呈具云大衆看看龍門無宿客香海縱金鰲師打云猶遭點額痕進云明眼宗師天然有在師云切忌詐明頭師乃云以斯道覺斯民斷碑橫古路白月現黑月隱崑崙草裡眠南閻浮提打鼓西瞿耶尼聞聲東弗于逮扣機北越單那擊節非非想天逆擊一棒金剛際下

撰述
聖音聖旨卷之三
六

撲地翻身其中百億須彌百億日月百億世界納向
一毫孔中十方諸佛演大法義挑豁愚盲諸仁者祇
如一毫孔又納向甚麼處咄切忌道着直饒密步移
來脚跟下紅線未斷在南泉大師云三世諸佛不知
有狸奴白牯却知有此事直須解向異類中行始可
紹隆玄化勿則盡是流俗閨閣中物開口便成過患
非惟不能與人點病自土也消他不得彼此何益哉
于中有知南泉行履處麼振綱居士撲地一旋而去
師喝云這畜生猶是亂跳卓拄杖云盤空鐵磨旋頭
角芳草叢叢吼石欄大眾不煩久立珍重

師至石湖金僊老和尚請上堂

師陞座拈香云此一瓣香有倫有序唯德唯尊奉爲
金僊堂上法叔老和尚惟眞法韻振三千祖風垂萬
億欽衣就座師拈拂云萬頃湖光遠駕長空之玉螭
千枝翠色橫推數點之青螺高大門庭水雲異色格
高調古綿密家風靜上座自遠趨風懷香叩室頃承
玄化千載一時不意我老法叔寵渥太隆惡辣猶甚
勿顧外揚家醜命陞此座若今獅子林中何敢揚眉
播舌但蒙方命聊塞一時復舉拂召衆云此是我金
僊老人一生受用不盡底句子特借靜上座手中拈

出爲諸公賞鑒由來錦上添花諒諸公久已得侍法
要豈敢再下註脚但老人平日驗人道個把定咽喉
唇吻除却千態萬狀不得有語不得無語道將一句
來此正驗今時之法弊救萬世之弘規若能向這裡
擺脫得來靚面親見老人赤心片片今不肖續有一
偈並爲傍敲把住咽喉唇吻萬仞懸崖卓立果是獅
子之兒當下便能返躑着在某分中拈有三句爲供
養老人顧左右云且道是那三句第一句五道不通
耗何處立三玄第二句看鋒掛利刃裂破率陀天第
三句手持火把子潦倒夜明前聽其緇素得出猶是

門庭邊事須知尊貴一路事別且道如何是尊貴的
的旨若要深登堂奧共相參請金僊老和尚去卽下
座

吳江文學量如吳居士爲薦亡嗣文學不浮請
師對靈小叅

枕斷邯鄲破吾生之有寄花飄棘苑沉來去以無涯
擬將氣吐虹霓誰爲水雲路隔師撫几云不浮公汝
髻年學冠德預耆英堪羨孝悌恭身頗奈文福未並
壽傾四六之中轉盼流光三禩空辜堂上椿萱忍割
友恭愛弟杳隔幽沉痛情可愍世既如斯但能知死

生不借何妨出沒自如到此說聖也不是說凡也不是生也不是死也不是此是公一貫之道吾一諦之理不聞先聖云諸行無常是生滅法莊周夢蝶渠不是我蝶夢莊周我不是渠爲公拈出一線頓教全體如如復擊案云寂滅場中超性海毘盧界內迥無私

戒珠結制茶話

僧問十方同聚會個個學無爲請問和尚今夕數千指圍繞如何得普令成佛去師云家家有路透長安進云如何得獨步龍門去師舉茶甌云淺斟滿酌不許濕口僧貯立師以杖擲退師乃云虛空含萬象大

海任魚龍會得目前法何須探別宗諸公既負笈遠叅十方雲集脚跟下事固是不缺分毫若不親履踐一回如人說食終不能飽英俊者肯將個事自己顛預良馬見鞭影而行若待人鞭策得來決是個無血性的漢但叅玄之士亦必須經一番錘煉方脫得野狐氣味勿然盡爲門頭戶底事學兩句口頭滑禪弄幾節峭利機鋒於自己分上大好沒意思非唯虛喪光陰空辜檀信在袈裟之下作地獄因更爲可愍山僧不是說老婆禪但今時末運目不奈看惡習遍熾叢山旣據此位平日痛心之談盡情告報祈把所叅

撰述
撰述
所學的都拋向他方世界之外雄糾糾立起新鮮意
氣提句無味語卓立面前直下如銀山鐵壁相似通
身排闥不入無一絲毫走作撲盲坐斷自然和底脫
落信不我欺若做模打樣來叅五味禪萬劫千生亦
無了日各當照顧住住歸堂時切莫撞翻板榿爐柱
珍重

師於天台送護國先和尚入塔回山示衆

師豎拂云國師塔樣孰原未善圖描造塔疎山反惹
羅山活塋揀點來俱不作家何似我先師嘯老人任
將活計付兒孫那管湘南併潭北順時而化不假安

排有偈無偈是甚尿氣雖則傑出諸方更添個叢山
不肖子未解奉重將阿爺活埋向千巖萬壑之中令
教水雲絕聽衆兄弟又道不順非孝不奉非輔山僧
既作洞下兒孫何乃不知忌諱衆中可知過患麼乃
聳身云秋江清淺時白露和烟島良哉觀世音全身
入荒草復頊足云猶

元章居士爲師慶誕請茶話

混然至理非言說徹底須知絕意求若識趙州滋味
辣何須影裡覓生繇舉如意云此是萬法之源千靈
之母若人透得一機任汝橫吞豎嚼但要解吞應解

吐若吞得吐不得未免被菱角如針刺却口毛粟如
彈塞却喉果能裂出神龍之首則佛祖不能安汝名
天魔不能窺汝蹟勿則浪沉往返杳喪光陰昔歐陽
文忠公官洛中一日游嵩山却去僕吏放意而往至
山寺修竹滿軒霜清烏啼文忠休於殿陛旁有老僧
闕經自若與語不甚顧答公異之問曰道人住山久
如對曰甚久也又問誦何經對曰法華公曰古之高
僧臨生死之際類皆談笑脫去何道致之耶對曰定
慧力耳又問今乃寂寥無有何哉老僧笑曰古之人
念念在定慧臨終安得亂今之人念念在散亂臨終

安得定文忠大喜不知嗟之屈地師云你看學道者
不是徒然泛泛未能決其志終日在人我山中打逆
是非場裡橫身他時如何抵敵蓋疑信相半因而隨
情逐物臨窮方悔噬臍何及特此告報須知出母胎
從少至老盡未來際未曾離却這個光明果能一脚
踏穿桶底何處有死生之所流轉但不是說了便休
今且乘風快便莫令失却時日叢山恁地熱亂還識
好惡否擊如意云不離當處常湛然覓卽知君不可
見

解制知浴設茶請示衆

撰述一
檀香青泥自書卷之二
露柱當天豁雙眼未爲奇特蟭螟怒發吞大象理亦
宜然果是伶俐衲僧便可一捺便倒若隨人緇素得
來總是倚草附木漢過在紅線未斷撥着好似浪裏
拋毬徒費草鞋錢堪作何用上智之士一聞釋然中
下之流疑而愈滯叢山與麼道自好慚惶煞人復舉
肯有一官人入寺至禪堂寺主隨行官人問曰諸位
在此作麼主對曰欲圖作佛官人笑云金屑雖貴落
眼成翳主無語師乃云好笑寺主恁不啣啣被俗漢
一問直得口如扁擔若遇叢山但向他道在此換居
士眼睛非唯令俗漢屏却咽喉亦見此中凜然難犯

諸仁者應知有佛處不得住無佛處急走過轉得快
便不負叢山和身一拶如或未然明年更有新條在
惱亂春風卒未休

修萬佛懺圓期上堂

師陞座學人問古鏡未磨時光臨萬象磨後爲甚麼
不鑑師云我却不知你進云恁麼則是處是彌勒無
門無善財師云猶借玉階行進云如是則學人別道
去也以手點空三下便作禮師云料掉沒交涉師乃
云香花雲寶幢雲乾闥婆王美樂音出生無盡諸功
德裂破三賢十地門雲從龍風從虎磁石吸針潮長

撰述
三
醋情與無情共一真萬象森羅鏡裏布如是知如是
住不見一法爲伴侶智者能知罪性空坦然不怖于
生死大衆且道喚甚麼作罪性喚甚麼作涅槃若向
兩途水泮得來則了卽業障本來空如循罪福之階
未超向上一着所云未了應須償宿債莫調與麼便
乃看作一切如幻之解總不落莽蕩之殃必將沉撥
無因果力能脫體一回千佛萬佛列聖諸賢悉是空
拳誑小兒所謂但以假名字引導于衆生如或分疎
不下再爲汝等下個註脚不見南泉大師因陸亘大
夫問云弟子家中有片石或會坐或會臥欲鐫作佛

得麼泉云得莫不得麼泉云不得師云據南泉老漢
雖有先行之勢且無絕後之關直被個俗子將一片
石全身壓倒直至如今無展舒處若喻指門下卽不
然待他問作佛得麼但云言不該典非君子之所談
莫不得麼一喝云門臨千尺井過者必攢眉于斯檢
點得下一期佛事以週如或未然跋涉不少卓拄杖
云會麼雖然春色沒高下無奈花枝有短長卽下座
師至弁山祝 元潔老和尚壽衆請上堂

師云日麗中天揭破虛空流活眼風生八表撥開萬
象始明宗事存函蓋合回途全祖父功助理應箭鋒

撰述
抄寫青龍山志卷一
柱展手合君臣大用具斯三昧始得運斤成風絕無
觸犯固知曹洞門庭承當不易作用光大渾似純金
砂汞銀鉛一時銷盡不肖遠叩祖山恭遇法叔降迹
之期爲祝華封渴瞻嘉瑞不意恩寵太過特命兩序
諸兄邀登此座若論禪道佛法未入門來早已填溝
塞壑了也况兼祖庭之上獅王騰踏龍象縱橫又何
敢布鼓雷門自遭話墮若論慶讚一事欲以大千界
而爲壽吾叔早已坐斷十方欲以須彌盧而爲壽早
已碎如微塵欲以四大海而爲壽早已一口吸盡欲
以玄妙義而爲壽又不許立一元字脚在第一義諦

不容展舒于倫序分中安可簡略是以還有個商量
處官不容針鬻通車馬乃豎拂云我知虛空不可量
壽命不可量世界不可量壽命不可量衆生不可量
壽命不可量佛法不可量壽命不可量還有個最親
切最要緊不可量中一事諸公能知消息麼如或未
知今日勿敢越俎作速叅取老人去何故嚮待得叔
孫成禮樂始知不共汝同盤書記問關外將軍多汗
馬就祖還家事若何師云不宰功勳進云人居大國
方爲貴水到源頭始見清師云明眼自知進云如何
是慶誕一句師云人天仰企四海雲奔進云香稻啄

撰述
餘鸚鵡粒碧梧棲老鳳凰枝師云猶未是公着脚處
進云在和尚分中又作麼生師云不借借記作禮歸
位師下座

嘉禾李又恂居士爲亡室盛氏請師對靈

菱花鏡破俄沉合浦神珠閨香消頓失鸞鳳良配
柳生於肘不知造物暗中移蝶夢爲周末識我渠猶
問影智者觀斯聚散等浮雲去來如傳舍愚人自昧
情關固結汨沒愛河將此大光明藏翻爲腐草螢星
豈不痛哉驀豎拳高聲召云盛氏善人汝會麼握則
成拳開則成掌一事兩名一身兩用又如一人左手

拈香心知必生善果右手持戟回看定起殺機亦一
心兩業明暗兩分到這裏打箇返觀未拈香執戟時
善惡二境何處生已拈香執戟後善惡二緣何處受
旣無作者亦無受者此卽是如來秘密藏金剛心不
妨以螢星腐草復作大光明藏始知本來成現凡情
聖見所作俱息以如意畫此①相云當途截斷荆棘
林鐵壁銀山俱踢倒下座

雲門顯聖寺結制示衆

知藏問一派曹溪水萬古遶雲門且道曹溪與耶溪
是同是別師云細柳管中非正令神堯何必論功高

進云滴水作江河還是師的用處麼師云若知帝力
不見堯天藏禮拜云恁麼則雲門峰頂滔天浪海底
揚塵見作家師云久知闍黎有此機要迺云奇特甚
奇特露柱生兩翼飛過須彌峰穿却諸人鼻夜半迴
紅輪天明布黑月正眼不能窺萬機俱泯絕天上無
彌勒地下無彌勒仔細拈來看是甚乾屎橛咄咄
若向口角覓雌黃錯過三生六十劫是以叅學之士
最初行脚要決擇法眼貴有師承一入爐鞴從頂至
足去皮去毛敲骨敲髓撲得一點氣息也無轉過身
來向無人處深蓄厚養爲人拈一機一境脚尖頭也

踢出箇佛來近今諸方爲人亦拈出一機一境相對
學人如紙裏麻纏相似遇箇透網金鱗又無捉摸處
大似葉公畫龍一見真龍退身無地嗟乎蓋爲不經
真師煅煉自救且不暇何能徹底爲人故喻指目不
奈看收綸罷釣數十年來釋口不談箇事唯我雲門
法叔同心同眼獎古勵今真人不世今繼任祖山命
爲傍分正化屈曲隨宜衆兄弟若識些子定動則不
辜一期方便祇如古人道天上無彌勒地下無彌勒
未審誰與安名爲甚洞山遇此一問直得火爐震動
爾等還知答處否現前有問着喻指便與驀口一擲

云分明記取復拈拄杖云看看勿則葛坡久已化龍
去徒使蹤尋費長房不煩久立珍重

師誕日兩序請陞座

叅頭問仁主好生貞臣執法賢聖繼世法律無私昔
日世尊初生卽今與和尚還有同異否師云夏寒冬
熱進云後遇雲門一棒又如何師云總是賊過後張
弓叅作禮云恁麼則寶樹風鳴無量壽金繩霞映妙
高峰師云不煩伸贊僧問雲門風月萬古如新當斯
誕日如何應現師云爐峰向後耶水居東進云誕日
已蒙親指示半千衲子貴何從師豎拂云穿過那邊看

進云親得全提後皆成獅子兒師云恐汝不是同流
僧作禮云恁麼則寶鏡堂中提正令雙懸日月照乾
坤師云腦後識取迺云水河發燄相看猶是涉廉纖
石筍抽條拈出早知成話墮輪扁得手要在忘功承
翊意鉤貴乎不犯當暗中有明佛殿却跨山門當明
中有暗山門騎佛殿得此機用在天而天在人而人
一毫頭上現寶王刹一微塵內轉大法輪如是君親
恩師長恩衆生恩一時報畢故居學地須知先聖垂
慈一機一境一語一脉必要裂破汝面門乾盡汝識
浪如黃龍禪師每以三句驗人一云我手何似佛手

二云我脚何似驢脚三云人人有箇生緣上座生緣在甚麼處生平罕有契其機者目之黃龍三關古今拈頌者更多錯解者不少今日承此恩力特將此三句頌出爲諸人應箇時節我手何似佛手圖窮忽現七首祖龍一見魂驚易水光衝牛斗我脚何似驢脚虎兕忽遭出柙黔驢吞却大蟲潘閔幾乎笑煞人人有箇生緣寒窻鐵硯磨穿直待名登金榜露柱却好同年若人揀點得出三千七百齊捐捐後又如何展兩手云因卽下座

爲秀水凝蘭盛居士對靈

黃槐未達榮枯眼旅館空遺在日思露宿草菴門外冷霜天夜月隱歸期凝蘭盛公生平風流慷慨之懷未後得撒手便行之快祇空不是玉是玉也大竒在含靈不滅分毫在諸佛難增點畫如是知如是任貴在回機天上耶人間耶不妨獨步業歟福歟聖歟凡歟卓拄杖一喝云分明記取

解制陞座

僧問衝開碧浪卽不問放出神鼈事若何師云脚下波生進云覓火和烟得爲甚妙高峰七日不相見師云到卽不點僧作禮云今日親見和尚師云娶你知

笑破機微頓絕背向今日相逢原無異樣是則固是
擔荷雖繇此老卷舒還在渠儂

韋馱殿

舉香云護法護人全憑這着這着圓通無處不豁直
教魔外不能窺果是獅兒堪蹴踏

大殿基

碧落青霄未是道人活計墻壁瓦礫豈宜吐舌弄唇
畢竟如何折合顧左右云大家扶起空王殿百億須
彌側耳聽

毘盧佛殿

坐斷毘盧方堪話會踏翻玄奧始解抽機到此爲甚
重添註脚展具云因我得禮汝自倒還自起卽拜

伽藍殿

拈香云一紙不曾饒全憑驗作手親受靈山囑提持
豁諸有觸音法法盡包羅萬古叢林好善護

祖師殿

舉香云燒穿鼻孔撼斷莖肩殃及兒孫一番話墮燈
燈無盡響孤峰海底飛塵漫別弄

方丈

握肘後靈符剪狐狼狂見挽已墜之風擊寒爐發焰

正令當行未歸早驗遂據座云道合君臣猶未貴深
登堂與始容叅

是日衆請上堂

師指法座云觸破人天正眼擊開無孔鐵錘迫露當
央萬機點首卓拄杖云且看山僧話墮去也遂陞座
拈香祝

聖

畢次拈香云此一瓣香惡辣辣孤峭難親啐啄不
呼玄要針芥頓絕暗明捉敗紫霞峰頂頓然觸發毒
聲祇得今日對衆拈出爇向爐中供養傳菩提達磨
正宗第四十三世天台山

護

國堂上嘯雲大和尚用酬法乳之恩歛衣就座叅頭
白槌云法筵龍象衆當觀第一義師云玉人夢破一
聲雞越起崑崙舞袖歸倒遡曹源流足下不萌枝上
吼如雷監拂召衆云見麼眼看終未是擊拂云聞麼
耳聽豈能知然在動用中動用收不得然非聲色裏
聲色常迥特直須坐斷兩頭不存玄解始堪證據是
以古鏡臺前貴乎展足白雲巖下妙在抽機不遠不
近總在當人體露堂堂勿須向外等討要知天得一
以清地得一以寧王侯得一以天下貞百姓得一以
安生山僧得此便乃喝石走風雲號令無佛處展足

通玄隨行無礙敢問諸人還相委悉麼以手拍案云
霜花夜吐鏡湖徹杲日高懸古殿鳴僧問若見若聞
卽不問鐘鼓交叅人天畢集還是羅漢重輝還是洞
山復覩師云無鬚鎖子兩頭搖進云剡水興雲姑蘇
普潤不知法爾如然不知因緣時至師云隨處作主
遇緣卽宗進云恁麼則金毛抖擻孤峰外漏盡嚙呻
不二門師云退後看取僧作禮云縱橫妙轉無私化
恰恰行從鳥道歸師云沒孔笛中好善吹僧歸衆僧
問未離於越已降姑蘇姑蘇於越卽不問如何是羅
漢境師云白雲斷處家山深進云如何是羅漢體師

云古道紅塵絕伴侶進云如何是羅漢用師云摩醯
亞目驚回首進云體用已蒙師指示卽今古殿重輝
森羅慶讚人天普賴一句請師直示師云凡有血氣
莫不尊親僧作禮云南嶽峰高擎正眼鏡湖波底奮
泥牛師云透過絕商量叅頭結槌云諦觀法王法法
王法如是師下座

謝辭不錄

本鎮薛耀雲居士同庵主如鑑等設供請上堂師監
拂云旨不墮玄黃意別迥象外坐斷有無關事事超
無礙達磨大師來此土直指人人本有風光教外別
傳不立文字奈何盡大地欲覓一個不受惑人了不

可得惜乎以正作邪以邪爲正金鑰不辨大似認賊爲子錯過要關舉世尊昔日因外道問不問有言不問無言世尊良久外道讚嘆云世尊大慈開我迷雲令我得入乃作禮而去阿難白佛外道得何道理便乃讚嘆世尊云如世良馬見鞭影而行師乃云這個外道雖明不惑二字但恐錯認定盤星世尊指處也是泥裏洗土塊墮拂云喚作鞭得麼祗恐不是玉是玉也大奇果是個大力量漢握起金剛王寶劒勦絕窠臼不立崖岸生佛盡除具個般手眼則千聖不能羅籠萬魔不能潛覷乃至驗正削邪洞然作則誠謂

龍業忘功故云護生須是殺殺盡始安居大眾祗如安居處還作麼相見山僧更爲下個註脚孤峰雲底休落塹回途未是本來面石馬嘶歸不應山撥出金烏飛夜半卓拄杖云吽便下座

臘八日華山周居士率衆信請上堂師云朔風惡發吹徹骨漏泄諸人識不識三九廿七意何如門前啞子吹嗚啞恰恰是依稀雲樹月巢岑恰恰非白雲巖下轉多岐相逢盡力吐不出露柱當先豁一機急薦取莫羈縻當陽突出人天眼正令橫施奪化微監拂召衆云此是釋迦老子計窮力盡捏目生花夜覩明

星道個奇哉不意拈花時撞出迦葉老頭陀破顏微笑看他父子一門承虛接響山僧今日既據此位別行條令總不坐他家床榻驀擲拂云咄不得道着不得動着向此中通得一線始可安邦定國撒手翻機然華山居士爲乞拈提個事但山僧口門窄狹不能爲衆添一元字脚惜今法久弊生雷同上下誠信者更難弄影者遍地是以古德勉於後世先爲道破云堪惜今時學道流千萬萬認門頭却似入京朝帝闕祇到潼關卽便休冷地較量大可悲痛總之我眼本正因師故邪今日拈撥處貴乎志勤眼察頭頭切

莫放過復舉雲巖晟禪師因僧叅巖問甚處來僧云石上語話來巖云石還點頭也未僧無語巖自代云未語話時點頭也師乃云羅漢這裏卽不然若代此僧下語便云點頭不堪非惟爲此僧掃除異解雲巖亦乃首尾俱應衆兄弟此是爲古人出格提持處還能揀點得出麼良久云苦封古殿忘王化白髮童兒舞袖歸僧問世尊未離兜率已降王宮還是他法身邊事報身邊事師云兩頭俱不涉進云未出母胎度人已畢爲甚又覩明星得悟師云雪上更加霜僧作禮云恁麼則萬古碧潭空界月再三撈捩始應知師

云太勞生卽下座

開戒日平望皎然庵主并衆信請上堂師云石虎吼
孤峰泥牛吞皓月踏破却前機紅爐飛片雪豎拂云
此是佛祖說不盡處衆生意不到處山僧今日和盤
托出普請大家受用喝一喝云此卽主卽賓全體全
用無作無止非犯非持不卽不離無偏無正不在戒
定慧裏安生豈宜功勳位中明肯隨處施威頭頭顯
露現前大衆還受用得來麼如或未然且看衣鉢下
事不煩久立珍重僧問第一義卽不問弘開大戒和
盤托出畢竟明甚麼邊事師云前三三後三三進云

信手橫拈無孔笛請師吹出太平歌師云你眼裏還
聞麼進云灼然韻出青霄外石女堦前側耳聽師云
我不會禪僧歸衆師下座

黎鎮薛耀雲陸晨仲徐繼橋居士等設供請上堂師
卓拄杖云山僧無力苦支撐爲要諸人薦直行帶水
拖泥渾不顧畫蛇添足可憐生擬不是滯卽沉拈來
獨露堂堂事那個男兒不自真旣汝自真何故不會
汝等還信得及麼若信得及任他八風五慾黑浪滔
天毫忽不能鼓動能向個中得大自在始名上士故
曰信爲道源功德毋長養一切諸善根旣已如是更

受逆順意欲向深巖活埋孤迥迥地以至情與無情
悉爲拱束不見道法無定所用豈有方未有常行而
不住未有常住而不行何故聾顧視左右云座中不
遇同途客君入瀟湘我往秦僧問昔日世尊未出母
胎度人已畢爲甚又末後拈花累及兒孫師云世尊
無此事莫謗世尊好進云土曠人稀莫不是相逢者
少麼師云親言出親口進云有一人扯破袈裟打碎
鉢盂還有罪過也無師云擬向何處下手僧云祇恐
觸忤和尚師喝云照顧頂門着僧云薰風靦面吹入
骨拽起泥牛鼻孔穿師云此去逢人不得錯舉下座

師過洞庭三峰庵雪鴻關主監院心月率衆信請上
堂師云縹渺峰頭鬪額莫釐山頂傳聲惹得太湖瞳
眼滔滔浪底揚塵有時拈大千於足下不知寬濶有
時納須彌於肩睫那有重輕逢場作戲千木隨身薦
豎拂召衆云會麼於中會得饒伊曹山四借雲門三
句臨濟一喝這些腐爛葛藤一串穿來拋向太湖浪
裏如若不能定奪且向父母未生已前威音那畔更
那畔處聿轉面皮討個分曉則冷覷山僧總作笑具
還委悉麼玉殿不傳丹鳳詔鐵鞭空擊五更寒雪鴻
關主問請問和尚如何是雲門三句師云六機不着

便莫向語中看進云如何是函蓋乾坤句師云藕絲牽斷崑崙足石女擎歸不夜天進云如何是截斷眾流句師云海雲吹破扶桑外驚落機先大好山進云如何是隨波逐浪句師云落霞與孤鶩齊飛秋水共長天一色進云秋風凜凜樹凋葉落脫體一句事如何師云八角磨盤空裏轉進云撞倒銀山鐵壁正恁麼時如何相見師喝云漁父莫棲巢進云恁麼則雲門面目儼然關中禮拜去也師云打破關來向汝道師誕日黎里德勝善士設供率眾請上堂巳丑季師冬三日師豎拂云冰雪削寒威大地俱沉跡梅萼未曾舒靈枝

笑不歇等閒是事示時人頗奈時人渾不識未生前應蚤徹悟得個中本無別泥牛夜半趁紅輪露柱燈籠眼赫赫山僧未離母胎亦如是既離母胎亦如是今日爲四衆說法亦如是乃至盡未來際不可說不可說亦如是以及過去無量劫不可說不可說亦如是既以如是何故諸人重增枝蔓祇爲沉生滅乃被境緣轉山僧不惜莖肩與現前大眾唱個菩薩蠻去也且道未生前是甚麼意以拂畫○相云若也會得石女橫吹沒孔笛木人鼓掌在庭前已生前是甚麼意以拂畫⊕相云個中會得毫頭湧出無盡藏窮子

歸途不識貧卽今大地衆生情與無情盡向⊕裏得
大自在渾然踰碎虛空骨跛驚盲龜着耳聽汝等還
看個甚麼乃呈拄杖云我見燈明佛本光瑞如此史
瑞雲居士問云正不坐正明星當午現偏不坐偏夜
半日輪紅不屬偏正底人來和尚如何接待師云泥
龍奮發千峰外劈破崑崙雲夢低士一喝師便打士
禮拜云季冬嚴寒和尚尊重師云汝眉毛今日墮地
也姚振綱居士問云請問和尚如何是靈雲見桃花
的意師云莫被他觸却眼進云如何是瀉山護持的
意師云泥牛擎折角進云玄沙未徹意旨又作麼生

師云平白更添冤進云若恁麼瀉山安邦定國玄沙
破宅亡家去此二途請師直指師云鳳啣丹詔傳來
遠莫向長安國裏居士云學人禮拜去也師云看取
問頭下座

黃溪姚振綱史雲山居士同衆信設供請上堂師云
鐘鼓交叅人天畢集新年頭佛法作麼商量豎拂云
會麼三界惟心萬法惟識刹竿頭上風車子三個糊
繇夜簸錢至道無難惟嫌揀擇夜半石人無影象縱
橫誰辨往來源但莫憎愛洞然明白井底蝦蟆吞却
月三更不惜夜明簾今日山僧爲諸仁者斬斷繩頭

汝等會得則世出世間如大鵬金翅鳥劈海吞龍毫
無隔礙乃至山河大地僧俗男女貧富貴賤總在汝
等自心發現蓋因爾等循業昧已障蔽本有光明故
爾先聖曲垂方便普攝群機流出一花五葉分宗設
教建立綱旨以至洞山五位臨濟三玄法眼六義雲
門顧鑒瀉仰圓相拈來一槌擊得碎非惟慶快平生
亦且不負一隊老古錐爲人徹困若甘自暴自棄祇
恐有鬼神兮減君福有時節兮促君壽也須打算果
是千里龍駒便乃奮身霄漢之外坐斷報化門頭則
能事事無礙且如不假脩證一句作麼指陳搖拂云

萬物靜觀皆自得四時佳興與人同西堂問新年頭
佛法百草頭邊俱漏泄提持舊公案老梅枝上露真
機不涉新舊一句請師別道師云兩個黃鸝鳴翠柳
一行白鷺上青天進云當陽吹出無生曲大地咸歸
掌握中向個裏得通消息麼師曰石虎吼春風堂復
挺身進前問云寰中不令無爲化四海熙雍樂太平
如何是君師云玉簾深貯機輪外萬象渾忘化育深
進云五鳳樓前三舞蹈金鐘靜聽曉雞鳴如何是臣
師云和同萬籟音無令奉重咸知劫外聲進云九重
殿內頒天詔俯下群機展玉容如何是君視臣師云

又業識茫茫無本可據總是汝被業因蔽已愛欲縛身業鬼借宅昧却伊本地風光不見雲門大師云乾坤之內宇宙之間中有一寶秘在形山然不住動用聲色裏畢竟在何處顯現擊如意云欲識上大人須明丘乙巳若悟佳作仁便乃可知禮山僧今日借泥團瓦礫大作佛事去也具眼者試出看按拄杖云禹門浪暖貴擎頭冲霄切莫遭點額僧問夜半空中擊毒鼓嚇得須彌顛倒舞天王惡發越崑崙喝出扶桑一輪古正與麼時和尚如何舉唱師云不合向汝道進云一音清汎生潮舌萬籟傾聞正眼開如何是正

眼師云石女天明斜戴帽進云恁麼則無舌堪能語談玄不假音師云滿座未聞聲僧作禮云謝師答話適二居士出禮拜依位立師云好個消息祇恐不識卓拄杖下座

黃溪守防府王虎山居士并史雲山居士同嗣君調君燦薦亡請上堂師云金剛透匣那吒失威截斷玄微不容毫髮總連城之壁難以定其底價似照乘之珠奚能竝其光華是以藏身處沒蹤跡龜毛拂子擊龍鬣沒蹤跡處莫藏身兔角杖頭挑日月諸仁者向個裏會得吾宗無語句亦無一法與人如或不能薦

取祇得向第二門頭潑杓惡水去也擊拂云聞麼此方真教體清淨在音聞一歷諸人耳根永爲道種無價寶珠迥然突露但他日在不萌枝上芬芳吐秀時不得作個般去就何故聾若將耳聽終難會眼裏聞聲方始知蓋因防府王虎山居士爲薦室人張氏史雲山居士以及嗣公爲薦亡弟芳山史君假此威神欲超無漏乃召衆云若作有薦又是畫蛇添足若謂不受薦卽今如何結案畢竟作麼卽得要汝一舉兩得割出當下分明以拂畫●相云喫無漏國中不住足一毫端上展全機僧問云藏身處沒蹤跡沒蹤跡

處莫藏身且道今日受薦佛子向甚麼處安身立命師云無毛鷄子過新羅進云突出虛空眼靈光射碧溪還假接引否師云此猶是堦下漢試別轉一路看僧卽進前云恁麼則撲盡三千及大千師云費力不少僧歸位振綱居士問云適纔和尚道無價寶珠請爲指出看師豎拂云不值半文錢拈來觸鼻孔進云恁麼則學人放光動地去也師云你向何處放光士作禮云只有天在上更無山與齊師打云猶是假雞鳴卽下座

薛德勝善人同嗣耀雲設供請上堂師云直心真實

佛不立坐斷十方拈拄杖云大衆莫被他塞却眼根須是別行條令靈槎不遇乘風便焉得漁翁撞玉關拄杖子今日具莫大威神將剝塵國土諸佛一時逼勒出廣長舌相演不思議法令恒河沙衆生咸知本有證不思議境雲山居士同嗣公君調君燦爲報先嚴不意中拾得一個信種供養山僧并現前大衆山僧亦不敢囊藏點出古佛心直教個個具足得大自在然汝敬村史君并外父韋公等盡向山僧拄杖子頭上放光動地拍手呵呵露柱共爲證明山河大地悉霑利樂祇如酬恩普度一句作麼生道喫水晶簾

裏垂甘露明月堂前燦帝珠孤閣黎問黃葉無風自落凍雲不雨常陰時節饒他遷變一真迥突諸緣如何是一真迥突底句師云觸破毫頭進云今辰文鉉居士請和尚說法薦親未審還來受薦麼師云一着機先不容合併孤作禮云石虎啣風吼泥牛帶月鳴師云閣黎別道看進云一堂風冷淡千古意分明珍重歸位師笑曰好個無尾大蟲僧問昔日普賢大願請佛住世廣修供養目今史居士請和尚說法是同是別師云另有同別更道將來進云卽今普賢在何處示現師便捧僧一喝師又打云再一喝看僧作禮

云遠在天邊近在目前師云聞言語僧問來如石火
去如電光不去不來意旨如何師震聲一喝進云棒
頭指出無生界一輪紅日恁東西師云汝知落處麼
進云萬古碧潭雲影盡今朝重振舊家風師云只恐
不是同流僧歸位師下座

櫻寧靜禪師語錄卷之三

眠牛山舜庵結制

侍者德琦記錄

小叅

時崇禎甲申冬

聚不成團捏不成碎布鼓當軒擊者善會明歷歷掌
上靈機活潑潑獅兒作隊于中早下一針錐懸崖返
擲超群類急加鞭莫後退以拄杖畫○相云會麼投
明那許夜深行勿犯功勳始尊貴卽下座

小叅

臺前石壘斑生面庭下花殘葉滿籬陣陣霜風侵入
骨衲僧冷煖應須知衆兄弟壁立萬仞時懸崖撒手

時撞破虛空時是個甚麼消息振威一喝云錯不錯
休摸索猛虎領下解全鈴推落須彌顛倒縛盲龜跛
驚作同叅笑殺峰前老彌勒誠與麼地方能轉天關
迴地軸挑剔愚蒙變生作熟不辜現前種種恩一時
盡與報畢到這裏猶未許汝是家珍如何是出格漢
復喝云丈夫氣宇如王斷不從茲住足僧問云投明
那許夜深行弗犯功勳始尊貴請問吾師如何是不
犯功勳的的意師云枯木龍吟休着耳進云緘塵脫
落全身現萬里山河絕倚依師云正好未夢見在僧
以坐具作○相呈云這個卽得麼師云切忌投入僧

作禮云恁麼則千峰齊睜目萬派盡朝宗師云淹殺
闍黎下座

小叅

師云也大奇也大奇石女痛流淚滴下湧成溪沒頭
俱浸殺佛祖墮雙眉直逼得文殊獅子普賢白象爭
鬪一上撞破虛空牛角打倒帝釋座入寶床擊碎了
也撲下地來頓令乾坤失色日月無光露柱子忍俊
不禁點首聊通一線湧出大光明藏衆兄弟還有證
據者麼如無山僧不合成鈍置以拄杖架肩云柳
樑橫擔不顧人直入千峰萬峰去便下座

彌陀誕日弘徹禪人請小參

師云沒弦琴操出宮商別韻無孔笛吹來格外玄機
崖前石吼古木花飛千歲老兒起舞萬年童子相隨
豎拂云見麼彌陀在蟻螟眼裏轉大法輪諸佛在一
毫頭上共相慶讚既云無量壽爲甚又加慶讚二字
卽鼓掌云錦上不妨重着彩受恩深處報恩深茲爲
弘徹禪人昔者棄捨塵緣今日傾心究道未出門時
山僧蚤已道破祇向汝說個因真果真汝今奮發在
般若堂中信知一毫頭事自謂總不相欺旣以如是
正好向萬人足底行密藏厚蓄操至秋深果熟將後

千聖不奈你何何故聾了得個中無我我始堪接取
上頭機僧問了得個中無我我卽不問請師接取上
頭機師便打進云向上一着千聖不傳和尚卽今如
何爲人師連打云我向你道甚麼來僧作禮起拂具
云龍袖拂開全體現象王行處絕狐踪一喝歸位師
云也是野犴鳴下座

性樂姚居士六奏請小參

師云木鐘擊碎塵沙夢驚起泥牛側耳聽賴有盲龜
掣金鎖堂堂卸却往來行撥出聖凡情盡撇始契無
生無不生山僧自不着便被性樂居士懇致多方爲

母難日乞與現前大眾結甚深法緣因齋慶讚今日
也是客聽主裁乃拈拄杖云看看此乃是煨聖煉凡
烹佛烹祖的對手姚居士汝能薦得棒頭一着了知
正法眼無古亦無今故一切法一切方便但以假名
字引導於衆生若也不會急向未出母胎時識得面
目則此甚深法寶頃然而得如是慶讚豈有限量哉
畢竟應時一句作麼生道拍案云庚庚喜雨露甲甲
要晴明僧問南山點首東海揚眉和尚還許甚麼人
證入師云勅點飛龍馬跋鱉出頭來進云諸聖到來
無卓地惟有阿逸笑酣酣未審笑個甚麼師云笑你

扯來拽去進云還假接引否師云猶嫌少那進云如
是則風梳翠竹和烟去露滴喬松帶月歸師云也須
知剡溪水逆流始得僧歸衆師下座

解制小參

師云劒鋒匝處膽生寒形影參差卽不堪我不是渠
渠是我梅開雪夜吐真源往時向深深海底行把斷
諸人咽喉不容出氣今日向高高峰頂立斬纜開船
放汝腳下一線任爾卷舒然雖如是于中須識有交
參句子如何是交參句鐘中無鼓響鼓中無鐘聲鐘
鼓不交參句句無前後還識麼雞犀枕子鬪雞鳴啐

啄同時急下晴把住放行渾不借掣開金鎖絕途程
搖拂云啞啞啞啞啞啞啞若有過關者試出相見看僧
問云把住放行卽不問掀翻窠白事如何師云無底
籃子須好提進云千歲老兒起舞萬年童子相隨是
甚麼人境界師云倒騎驢子笑蒼天僧作禮云恁麼
則竿木隨身逢場作戲去也師云鈎頭絲線從君弄
不犯清波意自殊又僧問云遙望鄉關憶故人隴頭
先寄一枝春卽今解制一句請師指出師云故鄉田
地休耕種進云一拳敲出山河眼未審于中作麼看
師云妄語漢山河眼在甚麼處僧作禮云不敢辜負

和尚師云也是大蟲看水磨僧歸來師下座

小叅

時崇禎癸未冬請師在首門作座元

師云夜半泥牛吼太虛輕翻皓月照寒溪奮然舞足
窺無罅試問禪流知不知急着眼莫停思大道不從
心外覓當機失却悔時遲諸昆仲進堂三七那事如
何不解轉身過在甚處此無他蓋緣生處不得熟熟
處不得生嗟嗟唐喪光陰何故甘爲自昧若自個漢
纔聞提處便乃單刀直入奮身不顧向萬仞崖前拚
命一拶直逼至水盡山窮驀然跌斷繩頭冷地一看
堪笑三藏十二部是甚麼拭瘡疣故紙乃至天下老

和尚談心說性是甚麼夢話阿呵呵正好饑來喫飯
困來打眠灑灑落落做一個無爲無事散人亦不負
汝一番初志饒伊如是正好喫痛棒有分何故不見
道長安雖好不是久居畢竟作麼生處分卓拄杖云
太平本是將軍定不許將軍坐太平下座

示衆

師過黃溪程信甫居士薦親請示衆

師云擊碎須彌山吸盡四海水饒伊恁麼來猶在程
途裏是以通天作畧尚涉機微金鎖玄路反褫骯髒
要知此道非心意識所關頭絕理事皆級觸則喪擬

則犯出格人始明出格事豎拂召信甫居士云此乃
格外拈提處爾若會得非惟報本一着至汝本命元
辰盡在裏許得大受用頓超塵劫復振威一喝云通
天豁地絕幽沉亘古亘今無變易當陽迥出照無私
萬里晴空轟霹靂卓拄杖下座

護國古風和尚至南巖訪師率衆請示衆

師卓拄杖云這條拄杖潑天伎倆吐霧興雲翻波作
浪或時占盡了大千沙界不容生佛安名捏聚虛空
眨眼或時收攝在蟪蛄眼裏還嫌土壙人稀拍手大
驚小喚今日不料被古風法兄越山過嶺一把扭住

逼勒山僧要與大衆決斷一上然向上一着昨日古
風和尚高升曲朶木床判斷已竟復要南巖露揚家
醜轉見不堪既是同氣連枝鼻孔決無兩樣但賓主
歷然一句汝諸仁者作麼定奪乃一喝云金鳳不棲
無影樹烏雞低唱五更前僧問二聖同登古殿山河
鼓掌虛空正與麼時吾師如何舉唱師打云千聖絕
知音進云怎奈目前何師云你眼在那裏進云和尚
許學人旁通一線麼師云還要討甚麼乾屎橛僧點
首云謝和尚慈悲便作禮師云也是汝水蝦蟆下座
古山浮佛庵爲密行禪人封關請示衆

時庵中啓
准嚴期

師云放出吞天鐵鶴嚇得須彌躑躅又逢拄杖無端
打破毘盧玄奧露柱兩眼睜睜直入孤峰喊叫冷視
罕遇其人別轉一番腔調今朝拈出些須也要驚蛇
打草到這裏直饒撞着嚼鐵咬釘的漢子正好無你
下手處無你瞠眼處無你棲泊處果是頂門具眼者
始能透此一關則知今日一會底消息知得一會底
消息則知佛佛授手祖祖相傳底消息知得祖祖相
傳底消息則知靈山一會儼然未散底消息知得儼
然未散底消息則知華嚴會裏演大法音敷大法義
全在拂子頭上展舒非古今絕去來以至千丈盧舍

那身向諸人毫竅裏放出大光明藏若也迷却本分
生涯正好有眼如盲有耳如聾當機錯過甚爲憐愍
所以道踏翻玄奧舉處知歸正令全提難瞞作者茲
因古山密行禪人久歷諸方幾經法戰其奈不得扳
纏入手返擲懸崖是以篤志掩關虔請山僧舉揚個
事一則爲人天結般若緣及已躬大事汝要透此一
關但不得有工用不得無工用不得有心求不得無
心求到此自有轉身消息師驀墜拂高召云急着鞭
兮緊着弓橫跨鐵馬絕羅籠翻身射透牛皮鼓咫尺
丹書下九重到這裏傳甚麼消息卽得以拂擊案云

劉僧問盧舍那身卽不問玄關一事請師宣師云須
向意外知消息進云莫謂無心云是道無心猶隔一
重關道卽不問如何是關師云逼塞虛空進云如何
是關中主師云靦面不容叅進云祇如逼塞虛空十
方坐斷還許學人相見麼師振聲一喝云不許夜行
投明須到僧作禮歸衆僧問釋迦掩室於磨竭淨名
杜口於毘耶請問吾師意旨如何師云聾人鼓掌和
全音進云今日密行禪師掩關古山事作麼生師云
也要大家知進云一等是個時節未審如何化導師
云橫端曲木僧作禮云恁麼則佛佛道同致道心

心真契契真宗去也師曰弄泥團漢未夢見在下座
師過晉溪內行實行復禮諸上座請示衆

師云山鬱鬱水潺潺好個維摩不二關兩岸桃花開
正眼樵歌牧唱指歸南山儂出天台入剡水不意中
揀得個破木杓收來欲向深山與他過活無端撞着
諸公苦逼要拈出與現前賞鑒雖然不敢隱埋但恐
拈出時諸公又討一場熱亂卽拈起拄杖云看則瞎
却你眼動則喪却你膽恁般不近人情揀點要他何
用然玄沙三種病人此個慣爲痛下針錐拶得盡大
地無一芥子許放過諸公還可出來較量他麼適有

一僧纔出師便薦頭一棒云虎來也僧遑然失領師
云擬謂出角虎原來是毛蟲復按拄杖云橫按青藜
烹佛祖當臺寶鏡豈容私下座

結制施敬泉居士請示衆

師云結中結萬仞峰頭獨足立兀然拶碎灰生關拈
來不費纖毫力英傑者向這裏不假研磨超越古今
豈肯尋枝摘葉若然不薦山僧此處有三關汝等一
一須透過方無過患覲面來時切莫覲轉身不來莫
猶豫嚼破疑團切莫住到這裏更要勇猛直前入法
勤盡正好向紅爐中深經煅煉不見道大冶精金無

雜色獅王行處絕餘跡下座

示衆

師云入火無烟大熾燄裏靈苗產秀和泥不染沒陰
 陽地曇蓋芬芳無舌人始解談玄具眼者休成懵懂
 豎拂云會麼時時向水梭上行劔刃上衮正當恁麼
 時撲地一聲乃佛乃祖瞞汝不得山僧這裏祇許汝
 半提全提未夢見在何故豈不聞曹山和尚云莫行
 心處路不掛本來衣何須正恁麼切忌未生時饒伊
 翻倒曹山何處與伊相見良久云苔生古殿冷露滴
 禁門寒拈拄杖一時打散

示衆

師云迥出一輪光皎皎夢斷幽關天未曉深沉突出
 意前機若是懺懽便支遶大衆紫羅帳裏撒真珠具
 眼者試出道看二僧競出師云看這兩個一得一失
 二僧齊下喝師云也是抱贓叫屈漢一僧云和尚莫
 要壓良爲賤師拈棒直打出法堂復據座云兩彩一
 賽無在不在若是知音莫居門外落花流出競魚鰕
 揀點不來休捏怪卓拄杖下座

解制示衆

師云把關容易放關難打破關頭事轉長枯木崖前

多錯路透明公驗始教還尋常以扭轉鼻孔爲結以踏翻窠臼爲解此中解結頗與諸方不同結時諸佛不能窺解時含靈普共識直饒透得兩重關猶未知山僧行履處如何是山僧的行履有時塞却諸人眼睛有時在汝諸人足底不動步而遍現塵刹不舉目而普示十方峭巍巍輝天鑑地孤迥迥絕斷遮攔佛見法見盡捐到此始名瞥地告報現前大眾俱化龍也未如無木上座道破去也喫三級浪高魚化龍癡人浸岸夜塘水下座

示衆

師偶過禪堂見諸禪人在堂私論某處教人做工夫立等悟道又某處不廉纖進一

層又一層又某處次第紛紛言之不一師卽自鳴鼓陞座

師云道貴真參實悟決志豈有兩路莫效近日癡禪廣貿諸般雜貨山僧這裏也無一椀兩椀也不分門別戶祇要汝脚跟下清楚亦不貴你多知亦不貴你口利亦不貴你久參亦不貴你登悟尋常向汝道離心意識參旣離却心意識則通身機智歎盡不容毫髮當於其前如火聚如金剛劍觸之則喪汝命根擬之則落七落八直得絕後再甦是然欺君不得如洞山過水如香巖擊竹如長慶捲簾如高峰墮枕則一得永得決無退失所以古人道悟卽甚難迷卽不

易豈同近日禪如開雜貨舖一般禪在幾日卽悟公
案幾日卽透進一層又一層走一步又一步到這一
步喚作甚麼樣境界更到甚麼樣地位方稱悟道弄
得些閒神野鬼打發不開惡氣流習牢不可拔山僧
從來一味杜田頭亦不知其法之大小見之多概并
不知某宗高某宗低然從上叅學人單擇法眼爲急
務或見某大老與人解得粘去得縛直截痛快便放
下親灸或某處慈悲爲衆時不放出過出一言千古作
則特往奔投或某處不容躲閃搜盡閨閣中物直趨
侍叅如是上下以道德爲本喚作本色道人喚作抱

道衲子尚三二十年不改舊家風深棲巖竇終老不
求人知設有一二禪者往叅卽指他處猶且頭角深
藏如龍山燒庵避影安同近日緇流祇要一入門便
求悟道便求印證便要做人弄得尖知巧識語路好
看三五成行鬪百草相似爲弘揚法化爲當家種草
嗔恐初祖航海而來豈肯要汝如此見識如此心行
如此履踐如此授受法道安不墜地近來專務口角
力較勝負聞有一人出世卽冷笑鄙視聞有一言半
句卽邊捺排斥要如雪峰聞趙州答個古澗寒泉句
是此不答話者定喚作露出醜狀自不啣啻也真正

如臨濟上堂云一語須具三玄門一玄門須具三要
有權有實有照有用又云一喝分賓主照用一時行
其家作用如青天轟霹靂不容擬議單刀直入賞也
一棒罰也一棒若是獅子兒難瞞其毫忽光明正大
法振今日然不以成煞法分割玄要判斷如爻辭也
堪笑近今之學人効其一掌一喝弄作戲具相似然
盡大地人亦會掌亦會喝俱喚作直截禪得麼苦哉
慣習毒風爲本分事如是忍心行之甘入無間深坑
胡不恐懼且如諸方宗匠剪闢邪塗令人不入岐路
各立宗旨然五宗之內安有小法大法旁正之分歟

如馮仰圓相雲門顧鑒法眼六義種種作用門庭施
設蓋乎師承有據豈以見之大小用之淺深爲優劣
也其直指全提如當臺寶鏡胡來胡現漢來漢現不
致叅學人瞎撞盲猜別真偽識輕重安有叅學者在
洞下而不知濟上在濟下而不知洞上也總喚他做
門外漢若識法者安不懼焉又願爾等切莫去叅五
味禪只求多知多解博覽廣識總喚雜毒入心若一
口氣不來阿呀呀真個苦也向日功夫竟不知做在
何處涅槃堂裏禪未夢見在若不走入驢胎便撞馬
腹謹記謹記正謂衲衣之下失却人身再不能復然

末法做功夫中禪病最多邇來聰敏者恐有毫忽知見便就困住爲是山僧今日一一剖出使上士不蹈其坑塹近有一等魔徒言參禪一着就是滯貨何必要去做功夫問他如何是道他便一掌一喝打得撒溜喝得響亮便謂之硬幫謂之了當屈屈將許多好人便認定一掌一喝上卜度灰灰教他直下便是擬議卽不是也若恁般喚作直截禪不如十市街頭屠戶他一刀直進不容擬議安有是哉蒼天蒼天可謂痛哭流涕者此學人最初之癡禪病也又一等發忿參話頭或經三七或經半載決意要悟忽然逼得

身心暫寂如入清涼地一般他便起身拍手云我悟也卽去學機鋒弄轉語逢人便鬪如瘋狗相似一朝境界打不過去連前氣息俱無此喚作輕安禪病又一等或苦志數年疑情不散拶得前後難進灰不放手忽然話頭脫落淨裸裸地他就欣然謂大徹也又云識得一萬事畢唯此一事實餘二則非真更不別進自謂大休大歇處處便求印證也會頌古也會着語逢人瞎教人到此處便是久久弄得習氣發現依舊是個俗漢此喚做認識神的禪病又一等在蒲團下十數年也無話頭也無疑情孤迥迥一塵不染或枯

坐一七二七不須放叅或又能坐脫亦不關其世緣一毫如有氣灰人一般學人見之噴噴稱奇噫豈不聞九峰侍者爲甚不肯首座香烟起處座卽脫去九峰撫其背云坐脫立亡卽不無怎奈未夢見先師意在又如曹山陸座因紙衣道者叅山云汝是紙衣道者否者曰是山曰如何是你紙衣下事者曰一裘纔掛體萬法悉皆如山又問云如何是你紙衣下用者立化去山云汝祇解恁麼去不解與麼來者復開目問云一靈真性不假胞胎事如何山云未是妙者者曰如何是妙山云不借借者復珍重化去你看此乃

古人爲渠拔楔抽釘的手眼前也化後也化爲甚有是不是處諸上座試定奪看如不透過切須仔細故云枯木崖前錯路多行人到此轉誦訛此喚做灰水裏禪枯木禪最難治也何況近日魔鬼教人禪不須叅道不須悟直下便是乎真曰魔鬼見之打灰他十萬八千無一點罪過爾等若能將前數種惡病不犯打屏得潔潔白白或胸次有一知半解亦去淨盡亦不要你禪定多知多能惟求你一真究竟亦不許求速悟亦不許你枯坐亦不許鑽研亦不許久墮但要你決新鮮意氣不踏邪風叅一句無意味語雄糾糾

師云怪山古石卓宜老之遺風乳穴龍泉滴獅王之
正脉化道雖不擇方也要地靈人傑是以寶壽生薑
至今尚辣瀉山舊案此日猶香作事總在個人小大
豈宜自忽山僧本意祇要效懶贊之遺風煨黃獨過
時無端撞着一隊生鐵鑄的漢左捺右撥逼來此地
雖則古聖道場目之悉皆心惻然非人不委衆兄弟
爾等個個如獅子王相似力扶已墜之風山僧安敢
自逸若有一二退屈則先以道破莫謂有負衆等驀
拈茶鐘高召云吸着趙州滋味透自然終始不差移
僧問有一人一肩擔荷不費纖毫氣力有一人陸沉

遠視揆得白汗淋漓和尚還揀點得出麼師劈頭一
棒云南巖門下總用不着進云如何是奉重和尚的
人師云祇要他不違背僧作禮云叅叩諸方到此始
知曹洞作畧師笑云汝草鞋錢尚無落處在

四月八日護國秉拂茶話

時丙戌年師爲羯磨

紫霞峰頂枯木忽作龍吟寶珠池畔魚鰕悉皆吐眼
萬木森嚴巉巖肅聽諸昆仲變地精金應無雜色侍
獅子座氣合超群旣爾法法現成何用更添枝蔓靜
上座無奈被堂頭老漢逼出一番漏逗也是憐兒不
覺醜祇得應個時節拈拄杖召衆云在這裏不觸不

背奉重得來則知釋迦老子降生意至我父子一門
敲唱雙行意卽今新戒者若踏得這個源頭則戒光
非口所宣非因所證始許汝圓滿具足通身受用卽
展兩手云不是同流添一笑知音堪與唱巴歌僧問
臥雲深處不朝天吾師獨據那一位師云汝敢較量
麼進云兒孫得力爲甚室內不知師云始堪奉重進
云恁麼則個中雙鎖金針去寶印重重錦縫開師云
寧可截舌莫犯國諱

道源上座設茶請示衆

師呈拄杖云打鼓弄琵琶相逢一會家座中非作手

云請茶便起身歸方丈

因事茶次示衆

師云大道不徇私正法豈容蔽旣秉佛祖規繩刀戟
林中無避是以達道人歷大亂而不瀆履至危而不
炭不操而自正不爲而自化逍遙於物外徬徨於無
爲終不蹈群邪之鼓舞作正事也爾等投身輪王之
屬以法自究正大光明親履法地使其天魔拱手外
道皈心尊崇無比豈甘同鄉廟之饗鬼爭爐奪獻以
負人我機穽中總之自處坳堂量同杯水胸次填荆
棘之場更添着破絮中行轉相矛盾何能透生死幽

徑歟萬祈真心實行步步莫犯人苗稼始曰六和遂
以拄杖於地上劃一 \oplus \otimes 相云高着眼看劍爲不平
離寶匣藥因救病出金瓶

茶次示衆

師舉如意云不是雲門扇子亦非清平木杓越出諸
老門風當機莫受羅絡他有時向千峰萬峰之上松
動流泉響石滴穿了古佛面孔或時入紅塵鬧市之
下撒手把秤提藍收攝盡大藏葛藤不料驀地裏被
山僧一把捏住和身放倒拈來與大眾作個知音祇
是觸他不得背他不得若還透得兩關方可與他同

一受用諾昆仲有麼有麼顧左右良久彈如意云分
明月在梅稍上看到梅花蚤已遲僧問德山托鉢與
和尚舉如意底意是同是別師云尺乙五六凡工進
云德山爲甚被雪峰一語低頭歸方丈師云祇恐泥
裏有刺進云添得巖頭傍不甘畢竟末後句有也無
師隨聲便打云你識他甚麼眉目僧作禮起身拍掌
云勘破了也師以拄杖觸住云你勘破他甚麼意旨
僧云賊是小人智過君子師喝云如何是他末後句
底意僧云效屈效屈一條拄杖兩頭赤師拈棒直打
出云未夢見在師復歸座云大眾且道此僧曾會未

後句也無爾等若揀點得出許汝具半隻眼雖然還
當送者僧一陌紙錢去卽携拄杖高唱云歌管樓臺
聲細細鞦韆院落意沉沉竟歸方丈

蘇州府吳江縣第二十三都西黃溪鎮

皈依弟子楊涸法名德化何室王氏德潤

弟子史文鉉法名行璞

弟子沈信法名德定共發心敬刻

羅漢禪寺櫻寧和尚語錄一卷重寫流通法

寶深祈慧性朝達深契宗乘再祈根

芽麟瑞永慈光同圓種智者

姑蘇錢固菴書朱時榮繡梓

